

OMUKWETU

Registered at the General Post Office as a Newspaper

SHONO AAGUNDJUKA YE NA OKU SHI NINGILWA



Oshiponga oshinene sha langela ethimbo lyetu nonakuyiwa ayihe, osho eputudho lya nika o-luhepo lwekwatho lyaakuluntu nekelo lyomombepo yomupulungundju, yaa na sha. Onkalathano yaa na eipyakidhilo noyaa na oshilalakanenwa shokomeho shono omuntu te shi tala esimano lyesindano lye mwene, shika osha tana notashi tana esiku kehe miigwana yetu. Omuntu kehe okwa shitwa a kale nethikilo te li lalakanene.

Elaka etoye lyohole, lyeitaalo, lyetegameno, lyenyanyu nolyombili, oli na okuuvithilwa aantu yethimbo ndika momaluhodhi gawo nomomatilo. Ongerki nayi longe omuntu gwongashingeyi a tseye uyapuki wesimano lyokukalamwenyo monkalathano yaantu naantu.

Tse otwa ithanwa tu yamukule omapulo melaka ndyoka aantu yu uvite ko nawa, o-mapulo ngoka aantu taye ga pula omolwo-kukalamwenyo kwongashingeyi nokwokomeho, tu ya kuthe muuwike wawo mono ye li ya dhingolokwa koondjuulukwe dhawo nokomatilo, tu ya fale mokati kaantu mongerki.

Omwikaleli oti itaalele ye mwene, nde ti idhimbulula mpoka e li notashi mu pendulile omapulo omadhigu. Ota tameke okwipopila. "Nonando ndi idhimbulula ongame lye, natango kandi na uyelele, ite vulu okunwetha mo nando oye" kokutyä, oondunge dhe nomadhiladhilo ge, kape na ngoka lilongekidha oku ga taamba nenge okuga pulakena. lilanduli yaambino, eiyekelole nethiminiko.

Epipi ndika otali tindi evuliko kehe lyomuputudhi nesimano alihe lyonkatu yeputudho ndjoka Kalunga e yi pe omuntu. Shono shi na oshilonga komuntu, haashono e shi pewa sha za pombanda, ihe shono ye mwe-

ne te shi iningile memanguluko nena nenge molwangula. Yo onakuyiwa yomuntu oye etelwa ihe omalimbililo kiinima mbyoka tayi eta eso niita, koluhepo nokondjala, komauwehame nokonyanya yomonkalathano.

Mokutinda evuliko alihe lyopapangelo ndyoka omuntu e li tulilwapo, epipi ndika olya taalela oshiponga shokwiitula muupika lyo lyene. Oongundu noongundu dhonena otadhi holoka ongaapangeli aadhudhu naawinayi yepipi ndika mboka taa pula shono ya hala yo yene naashono taa dhiladhila osho onkalathano.

Ihe kutse ootaali, iinima mbyono ya fa itayi vulika, ngashi ombogo yopokati komadhiladhilo niilonga yo yene nenge ombogo pokati kuukwatya mboka nkene tu li nonkene tu na okukala, oombogo dha tya ngeyi odha filwa po nale, sha n ngwa lumwe aluke, osho shomathimbo agehe, muupersona waKristus Omunamwenyo, omutse gwolutu lwe Ongerki.

Eitaalo lyetu oku mu itaala nomwenyo gwopasakramendi mongerki ye, mbika oye tu pe oonkondo noye tu nwetha mo tu kale tatu uvithile epipi ndika nokwaayehe, oshilonga oshikumithi shehupitho. Ngashi Omuyapostoli Paulus ta ti:

"Ano natu talwe otse aayakuli yaKristus, nomalenga giiholekwa yaKalunga. Shono o-

malenga taga pulwa tangotango, oya monike aadiginini. 1Kor. 4:1,2.

Ihe okuningwa elenga lyopambepo, omuntu owa li tango u na okuya muule wokukalamwenyo kwomukwawo nokwiifaathanitha naanaa mwaashihe tashi penduka momwenyo gwe, unene oontamanana dhopokati komuntu naKalunga. Ngoka e shi okuyelitha nawa owino ye yopaKalunga, oye tuu ta vulu wo okwiyamba ongomulongi nolunza lwokuyelithila yalwe.

(Sha popiwa komumbisofi omukuluntu Medeiros gwaBoston, muAmerika, moshingongi sheputudho lyopakriste). Southern Cross



Mbaka ngiika otaa lotitha ehwamo lyelalakanol yawo okusindathana nokuumba uukalata wiimaliwa. Oye li kofi yoomvula 20.

Nakathingo a gelwa oomwedhi ndatu

Omusamane Jeremia Nakathingo okwa pewa egeelo lyondholongo yoomwedhi ndatu mompangu yomOndangwa eti-23.2.1972, a kuthilwa ko oomvula ndatu. Jeremia okwa pewa egeelo ndika sho a monika ondjo yedhipago. Jeremia oye a li ta hingi ololi ye yofraha ndjoka ye etele oshiponga sheso lyoshilyo oshikuluntu, omukwaniilwa Ushona Shiimi pehulilo lyomumvo gwa zi ko.

Makalani Gazette

ELOK KOSHIPALA SHA V.V.O.

Ongerki onkwaevangeli paLuther mOwambokavango, nayo wo oya li ya mono ompolo ndjoka yokukundathana na Dr. Kurt Waldheim, amushanga omunene gwa V.V.O. Omumvo gwa zi ko, opo ya li ishewe ya kuutumba koshipala shepangelo lya S.A. noministeli Johannes Vorster.

Elalakano moompito ndhika dhopaali, oyo ndyoka aatonateli yitayingerki itatu mOwambo ye shi yelitha nawa mekundo lyawo ndyoka ye li faalele Dr. Waldheim, kutya:

"Ongerki nando tayi kundathana iinima yopapolitika, yo kayi shi ombinga yontumba yopolitika, ihe omulangeli gwegumbo lyaKalunga, a popye shono Kalunga a hala kaantu ye."

Ngaka kage shi nando omadhiladhilo gongerki yimwe paugumwe wayo. Medhina lyongerki onkwaevangeli paLuther ya hangana muSuidwes, (VELKSWA) aawilikingerki yaali, omumbisofi Dr. L.Auala na Rev. Paulus Gowaseb, nando ya adhika ya mangwa ketalelopo lyomupresidende gwongongahangano yaakwaLuther muuyuni, Dr. Mikko Juva kuJohannesburg, oya nyola ombilive ndjoka ya thindikile enyolululo lyombilive ye eguluka ndjoka ya li ya tumwa komusimanekwa J.Vorster osho wo ombilive yopausita ndjoka ya li ya tuminwa komagongalo goongerki dha tumbulwa.

Moombilive ndhoka omo mu na omadhiladhilo giigwana ayihe yaSuidwes mokudhiladhila onakuyiwa yevi lyawo.

Dr. Waldheim oye okutsi kwelelo lyuuyuni nomeho galyo ngaashi a li a tumwa mpaka. Shika ongerki otayi shi pandula, ndjoka ya kala ethimbo ele tayi galikanene iigwana mbika ombili nuuyuki u tsakanithwe mokati kayo.

Amushanga Waldheim ngoka ina popya sha, nando oyendji ya li ye shi hala, okwa dhiladhilitha mpaka oyendji pamukalo omupe kutya, ando mpaka pwa li kape na sha, ando ine ya po.

Eholoko lye pompito kehe olye mu ulika kutya, oye oku na oshinaku-gwanithwa oshinene komapepe ge. Nando a kala momudhingoloko ina kala mo shito, ini iyetha a pangalwe kugwo, okwa dhiginine onkalo ye, okwa landula omatokolo ge. Pamwe shika osho wo uukwatya we womeni mboka tau leshwa koyendji kutya;

"Okwa mwena unene," yamwe "omudiplomati omwaanawa," yamwe taa ti, "omunandunge lela," nosho tuu.

Kape na mbudhi oye olye nokwa tya ngiini, shimpa tuu okwi ile omolwombili nuuyuki waantu yaSuidwes yi monike nosho shoka Kalunga e shi tu halela wo.

MELONGELOKUMWE MWA DJA OUKUMWE WEENGERKI

Eengerki eenghwaevangeli paLuther dovadalelwamo muSuidwes, oda fiya po paife onghatu yelongelokumwe nde tadi fiki moukumwe woo vene opo di wanife nawa oshipango shaJesus. Eshi osha li oshiningwanima shipe shomehistoli leengerki odo.

Eti-28.2. fiyo 2.3.1972, ongerki onghwaevangeli paLuther mOushimba ei ya dja metumo IOvandowishi laRyns (ELK) nongerki onghwaevangeli paLuther yomOwambokavango (ELOK) oda ninga lwotete oshoongalele shoukumwe neudo mOtojimbingwe, omo mwa kundafanwa unene oshikalimo sheilikano laJesus:

"Vo aveshe va kale vamwe aveke, ngashi ove Tate mwaame name mwoove, ounyuni u itavele nokutya oove wa tuma nge." Joh. 17:21.

Koshi yoshipalanyolo eshi, eenghundafana adishe moshooongalele da konga enyamukulo musho nomalipulo okwa penduka yo movanhu nghee oukumwe ile ouumwe wongerki tau yelifwa notau longifwa meni leengaba domaongalo etu.

Omanyamukulo mahapu a kongwa pamufika wouteologi moileshomwa yeetundimbibeli da ningwa efiku keshe kovahongi vehongo loukalunga muPaulinum nokeenghono dewiliko IOmhepo lyapuki, oshoongalele osha tomhelwa keendjovo daKalunga kutya ouumwe wongerki kashi fi oshinima shihe ko tashi etwa po kongerki ile kehanganu lonhumba, ndelene ouumwe ou oo omaano a yandjwa nale kuJesus mwene kongerki yaye.

Eshi osha twala oshoongalelengerki eshi fiyo opopo shi ninge ehapaululo kwaasho shipe oshoongalele she shi mona meendjovo daKalunga (Tala ehapaululo moshifo eshi).

Kakele keenghundafana doukumwe, oshoongalelengerki osha kundafana yo unene efinamhango nomaufomhango ehanganu olo tali lalakanenwa. Eshi osha ningilwe yo nale koyoongalelengerki ikwao ya ningwa kukeshe ongerki momudingonoko wayo.

Omutumba womafiku ane woshooongalele

DELK a hala mehanganu

shi na ovafita, ovahongi, ovadiakoni novakulunhuongalo va dja meengerki odo mbali, owa tala yo nokukonakona nhumbi Ongerki onghwaevangeli paLuther yOvandowishi muSuidwes (DELK) i shii kutambulilwa yo mehanganu eli.

Ewiliko laVelkswa

VELKSWA ota wilikwa koshoongalelengerki shoilyo ya hoololwa ya dja meengerki odo da hangana. Omuwiliki woshooongalelengerki oye omuwilikingerki wongerki imwe yaado da hangana ile omukriste keshe omulineekelwa, nomuponhele waye oo kwa li a mona eendaka dihapu mongerki ikwao. Oshoongalelengerki otashi ongala omudo omutitatu keshe.

Oshoongalelengerki shotete osha hoolola omuhongifikola Josua Hoebeb, Okombahe a ninge omuwiliki woshooongalelengerki nomuponhele waye Rev. Kleopas Dumeni, muELOK. Osha hoolola yo oohamushanga vavali, Rev. Hendrich Frederich, Karibib na Rev. Petrus Shipena muElok. Omuwiliki woshooongalelengerki ota kala eedula 6 moilonga. Oilyo yomapangelongerki eengerki da hangana oyo tai tungu olutu lEpangelongerki laVELKSWA nomunashipundi ou ta hoololwa oye ta kala omuwiliki wehangano alishe leengerki oule wedula 6 nota ifanwa omupresidende. Epangelongerki otali hoolola yo hamushanga walo ou ta kala moilonga oule weedula hamano. Olo otali longo ponhele yoshooongalelengerki notali ongala ngenge olunini luvali momudo keshe.

Nande pe na eshikulafano eli la tya ngaha, eshikulafano noinakuwanifwa yongerki keshe otai kala i li ngashi shito. Ashike oukumwe ou otai ka pupaleka ongerki keshe moku-shakenifa oinakuwanifwa yayo ya kula ngashi;

- mehongo louteologi
- moshilongatumo shongerki
- moshilonga shoudiakoni mongerki ile
- moshilonga shoinyolwa yopakriste kutya otai etwa po ngahelipi.

Kwa teelwa yo ovafita va kale hava ongala kumwe okukundafana oshilonga shavo momaongalo. Pamwe komesho ova-yevangeliste yo ile ovakulunhuongalo. Nosho ngaha ovo kwa li hava longele kumwe ve lili kokule, tave liehene popepi nokudika ouneumbo limwe alike.

Tala kep.6



Konyala aantu 50 oya li ya kuutumba omasiku gane mongerki ndjika nokukundathana uukumwe wongerki.

MBOKA YA MONO TANGO EYUMUKO

Mark. 16:1-7

Mokulesha aakintu mbaka yaali oyo aatango muuyuni auhe okumona ombila yaJesus ye ekama yi li owala, omuntu otashi mu etele popepi efano lyawo molupe lwopatatu.

a) Oshiningwanima shono oshili tayi ya hilile **meitaalo**. Kasha li oshinima sha nika uushili kuyo Jesus a yumuka mo mombila. Omolwashoka omuyengeli okwa li e na oku ya popitha. "Inamu tila." Ote ya dhimbulukitha omauvaneko gaJesus manga kwa li e na omwenyo.

b) Aakiintu mbeyaka oya li wo ya kwatakanithwa noshikumithalanga shoka. Oya kuthwa onkalo yuyenda nuukwiilongo e taa ningi ooyene yokutseyitha eyumuko lyO-mukulili pamwe naangoka a tumwa (omuyengeli) kuKalunga.

Ngoka ta dhimbulula iilongankondo yaKalunga, ota ningwa gumwe gwaanegumbo lyaKalunga **nomuhokololi gwaKalunga kumboka inaa dhimbulula natango**. Ombimbeli tayi ti: "One kamu shi we oondjendi naakwiilongo, ihe omwa ningi aakwawo yaayapuki naanegumbo lyaKalunga."

c) Iitetekeli ayihe mbika, aakiintu mbeyaka oye ya ningi aanyanyukwi. Enyanyu oshinima shomwenyo noshaanamwenyo. Olyo esindano monkalo ya nika uuthigwa, oluhodhi netyololoko. Enyanyu olya humbata egwano, etegameno nevululuko. Ndjika oyo onkalo yaayehe ya mona ombila yaJesus yi li owala, kokutya, ya thika moshili kutya, Jesus omunamwenyo nota gandja omwenyo natango.

Tse nge tatu soswa komavu, kii-ponga nokondjala ngashi tayi ivundu mutse konyala esiku kehe, okwaa-olela kwolutu lwaJesus mombila, naku tu pe etegameno ndyoka tali pendula mutse enyanyu lyolela. Oshoka eyumuko lyaJesus olya ningwa, hamolwe mwene nenge molwaayengeli ya li ye shi pumbwa, ihe omolwoye nomolwandje, opo tu kale tu na omwenyo.

Yo ontseyo ndjika oyo twa pewa oshipango tu itange nayo koshipala shuuyuni esiku kehe; **"Ka lombweleni aalongwa ye."** Ka hokololeni eso lye neyumuko lye sigo ote ya.

Sebulon Ekandjo

Ngoka i itsike omutenge guulunde, ngoka a sile wo oondjo dhaalunde. Oye a yumuka omwenyo ogwe. E li megulu mesimano lye.



Nesapati eshi la pita po, eluwa eshi tali tende mefiku lotete loshivike, ope uya Maria Magdalena naMaria mukwao okutala ombila. Ndele tala, opa ningwa ekakamo linene ledu, osheshi omweengeli wOmwene okwa dja meulu nde ta vikula po emanya poshivelo shombila. Oye okwa tonga kovalikadi ava ta ti: "Inamu tila, osheshi ondi shi shii otamu kongo Jesus. Ke mo mombila, osheshi okwa nyumuka. Mat.28:1-6.

EHEMPULULO OMOLUUKUMWE WONGERKI

Ehempululo ndika olya za moshigongingerki shuukumwe woongerki paLuther dhaavalelwamo muSuidwes, ELK naElok, notali ka falwa momagongalo agehe goongerki dha tumbulwa. Ehempululo ndika oli li po ngeyi:

"Oshigongingerki shotango shehangano lyoongerki oonkwaevangeli paLuther muSuidwes, (VELKSWA) osha konakona naanaa nokukundathana uukumwe woongerki shoka tau ti nosha thiki mehempululo ndika kutya:

Tse otatu hempulula kutya, uukumwe womuJesus Kristus, kau shi oshinima tashi adhika kelalakano lyopantu nenge olyopahangano, ihe owo otu u na nale wa gandjwa kuJesus Kristus.

"Otatu hempulula kutya, oongerki dhetu adhihe mbali otadhi ende monkalo tayi teyagula uukumwe mbuka, ihe shika itashi tu keelele okudhama kuwo. Uukumwe mboka twe u pewa kuKristus Jesus, otatu tu thimnike tu kandule po shaa shoka shi li mondjila yokuhangana koonkondo dhOmbepo Ondjapuki.

"Otatu hempulula kutya, uukumwe owo otatu taaguluka oongamba adhihe nomihoko adhihe noku tu ninga gumwe, egongalo enene lyaJesus Kristus muuyuni auhe nonando oku kale iinima mbyoka tayi shi kondjitha.

"Otatu hempulula kutya, olwindji inatu longa ngashi uukumwe tau shi tu pula, inatu lila naalili noinatu nyanyukwa naanyanyukwi. Olwindji twa mwena owala uuna aamwameme taa hepekwa notaa dhinwa. Olwindji twa hogolola ondjila yembembeleko peha lyokukwatha mboka taa pumbwa ekwatho lyetu.

"Otatu hempulula kutya, tse otu na edhimopo lyomayonagulo ndyoka lya gandjwa kuKristus Jesus, note ke tu dhimina po natango mwaayihe twa li twa nyengwa oku yi gwanitha methimbo lya piti, Jesus nota ka kala omukwatelikomeho gwetu mondjila yokonakuyiwa noku tu fala muukumwe wo wene.

Bishop Auala Fund

Kaimba ookaume "kaBishop Auala Fund" ova teelega efimbo lile novadjuulukwa okuuda sha kombinga yeyokomesho olo la ningwa po. Ombili ookaume ka "Fund", eshi pa pita efimbo li fike opo inamu kundana sha.

Va ti omukulunhu iha kana moshipaxu, apa e li ota ningi shike? Otamu ka hafa eshi tamu kundana kutya "Auala Fund" okwa kala yo ta kwata. Otwa likola ookaume vahapu vape novawa, ngaa-shi tava landula apa:-

Edina	Onhele	R	c
Petrina Martin	Omaruru	6	00
Helena Titus	Oshigambo	1	00
Moses Witbooi	J.G.Strydom	1	00
Muhongi naHefolo Tirronen	Oshigambo	10	00
Rev. P. Shipena	Oniipa	1	00
Hefolo Mufeti	Engela	1	00
Oshoongalele shovahongi mOngenga 29.7-1.8.71		6	45
(Oya ningi ngu kwiilyali ngu kwiitatu ngu kwiitano).			
Ookaume vamwe		1	55
Kumwe		27.	00

Iyaloo! "Bishop Auala Fund" ota halele omake ovayandji ava epuniko tali di kuPamba. Bishop Auala Fund ota teelega nehafo linene ookaume vape. Onda linekela ovalishi vOmwukwetu novalineekelwa voshiwana shetu, ove na yo ehala okukumbulula "Bishop Auala Fund." Oto tula mo pamaliudo oye mwene. Oto tula mo keshe eshi wa mona. Vati yeembinga dixupi ohai tu ngoo apa i hanga. Osende keshe to tula mo otai shituka oranda!

Kokule ihaku fikwa ngula. Tu kendabalenii ngoo tu taleni eshi hatu ongeleni. Ongatu findaneni ngaho. Ndi shi paife otwa koya R30? Mwena ashike u ta: Onatu ka ningeni po sha ngaho shomupondo komesho, moshikefangalo shetu omu. Ndi shii fyeni ovana vOngerki. Onguluve ya dala i-hai lika kombwa!

Tuma eeshali doye kOmbelwangerki kOniipa, ile u di yandje komuyakuli weeshali daFund" meongalo leni. Naave otashi duli-ka u ninge omuyakuli.

Otu na momaongalo amwe ovayakuli ovo va hovela nale nokuli okutambula eeshali kovayandji vomomaongalo avo, opo ve di tume kOniipa nge da ningi okanduba. Onawa eshi ove to hovelé yo okuninga omwoongeli weeshali edi. Ino dimbwa okunyola po edina loye neongalo leni, nge to tumu oimaliwa kOniipa. Omadina ovayandjishali a tuma yo (nge ope na omhito) opo a ka holoke mOmwukwetu. Apa pe na ovayakuli ve dule umwe, onawa nge tava udafana fiku tava tumu oimaliwa, opo ve i tumine oshita. Apa oimaliwa tai tumwa mopoo-sa, kufa moimaliwa oyo wa ongela opo u lande ekutu neesitombe.

Hatu ka kundaneni vali komesho.

A.L. Nghifikua

OYANA YAANASHILONGA OHAA ADHIKA PENI

Oyana yomalenga yaakwaniilwa, otaa dhimbululwa mokati kaantu yalwe sho ya nika ondhilo yuuvalekele. Oyana yomalenga gomukwaniilwa gwopombanda ohaa dhimbululwa koshike?

Ohaa adhika pomahala agehe ga nyata, oko hatu uhala nayo tatu kombo iitope nokugwanitha iilonga ayihe. Otaa ulikwa momakothi kookuume kawo molwashono otaa kanitha ondhilo yuuvawa wopavangeli.

Ombimbeli tayi ti: "Olutu olwo otembeli yaKalunga." Kotoka waa yone po otembeli ndjika niilonga ya sa.

Mateus F.Ndjambi

YA SI OMBADHILILA

Omuhingi gwoshihauto shoshipangelo shaKahao nomudhiginini gwegumbo ndyoka lyoshipangelo, Lisias Shigwedha, okwa mana oondjenda ombadhilila mekandomo lyoshihauto shoka sho kwe etele aavu koshipangelo shaShakati. Aavu yamwe oye ehamekwa noya falwa moshipangelo mOshakati. Shika osha ningwa eti-15. 3. 1972. Okwa li gwomimvo pamwe 50.

Ishewe omusamane Paulus Haimbala pOndangwa okwa gu kondama yomeya goshi-pangelo shaNandjokwe eti-22.3.1972, no-kwa hulitha oondjenda pokuthikithwa kwe moshipangelo. Nakusa okwa li ha longo miilonga yomeya yepangelo nokwa adhika i ipyakidhila nokupainda ondama ndjoka ya tungilwa puule oofute odhindji okuza pevi.



Ea uko lyomumbisofi Dr. L. Auala moshiponga shekandomo lyoshihauto 1969, sho lya li po eyamukulo lyaKalunga mwene komagalikaneno goyendji kaaye na ezimbuko usiku nomutenya, edhiladhilo olya penduka ngaaka moomwenyo dha yamwe noya holola ehambelero lyawo nomukalo gwokugandja sha oshiketha shehambelero manga omumbisofi ye mwene kee shi po sha. Sigo ompoka inaku takolwa iimaliwa mbyoka oyi na okulongithwa shike, ihe efaneko olya li po wo kutya otayi vulu nando okuputudhitha omunashilonga gumwe mongerki. Mefano aanona wo oye ya okupendula po omumbisofi sho a zi moshipangelo.

Oseminali yuuteologi mOtjimbingwe | numvo

Osikola yuuteologi yaVELKSWA oya tame-, kele numvo eti-27. 2. nelongelokalungai nomesiku lya landula oshigongingerki shoongerki oonkwaevangeli paLuther mbal dhaavalelwamo muSuidwes VELKSWA sha tameke. Sho osho oshiningwanima mehistoli lyoongerki ndhoka mbali, sho dha ningi oshigongi shuukumwe.

Elongo lyaayevangeliste

Numvo muPaulinum, mOtjimbingwe, omwa tameke aalongwa 11 mosikola yuuyevangeliste mboka gumwe gwawo a za mo-



Adeline Eichas

ongerki yaElok. lalongwa iyali mosikola ndjoka ohaye yi longwa pamwe naalongwa yomosikola yaFebê. lalongwa mbika oyo Efa-tululo lyEtestamendi Ekulu nelongo lyomalongo gi ili nogi ili. (Oseminali ndjoka yaFebê ohayi taamba ashike aakadhona konima sho ya putudhwa mosikola yOmbimbeli.)

Elongo lyaasitagongalo

Mosikola yelongo lyaasita omu na aalongwa 32 moka mu na aakadhona yatatu, yaali ya za mongerki yaElok, na gumwe mongerki yaELK. Aalongwa 9 oye li nokuli momumvo gwawo omutitatu. Muka omu na mboka ya za muElok yahamano.

Aalongwa omugoyi yaamboka ye li momumvo omutitatu otaa ka nyola ekonakono lyawo okupewa odipoloma muuteologi, mu-Novomba. Shoka otashi ningwa mekwatathano nelongo lyuuteologi mu S.A. (The Joint Board for the Diploma in Theology Southern Africa).

Omulongwa gwtango muPaulinum ngoka a nyola ekonakono ndika omumvo gwa zi ko nokwa piti, oye Rev. Engelhard Noabeb. Oku na wo aalongwa yamwe ya nyolele omumvo gwa yi ekonakono lyaPauli-

num noya ka tameka iilonga yawo. Mbaka otaa ka galukila kuPaulinum muJuli numvo, oyo ya hulithe nawa ekonakono lyokupewa odipoloma. Oyo Hilma Shilongo, Paul Isaak, Jakobus Ngapurue naSet Son Shivute. Otaa ka kala muPaulinum sigo mu-Novomba.

Nongundu yotango yaasitalongwa 23 mbo ka 11 yomuyo ya za mongerki yaELK, o mu na gumwe a za mongerki yOombasite la yetumo lyaRyns nagumwe a za mongerki St. Philipp's Apostolic Ghurch (ongerki yopayapostoli muSuidwes). Egumbo alihe lyaPaulinum oli na ano aantu ye vule kashona 70 mumboka yamwe yawo aaniagumbo.

Omatsikilosikola

Okutameka eti-29 lyaMai sigo eti-30 lyaJuni otaku ka kala etsikilosikola muPaulinum, naasitagongalo 15 yoongerki ndhika mbali ELK. naElok, oya tegelelwa moka. Pethimbo ndyoka otatu ka talelwa po wo kaayenda yaali: Dr. Becker, Omuyamerika, naDr. Harjula, Omusoomi. Dr. Harjula omuprofesi moseminali yuuteologi yaMakumira mu Tanzania noshilongwa she osho "uuteologi wAayafrika." Dr. Becker oshilongwa she oku ka yelitha eputudho lyehungomwenyo lyopausita miipangelo.

Aalongi

Elongo numvo muPaulinum otali ka kala komapepe gaalongi yomadhina taga landula mpaka: Dr. Lucas de Vries, Rev. Kristof Shuuya, Rev. Klaus Eichholz.

Rev. Wessler, Mev. M.-E. Wessler, Juff. Rauha Voipio, Mev. S. Kaipainen naRev. Juhani Kaipainen.

Rev. Eichholz okwa pingene Dr. Theo Sundermeier ngoka a tembukile negumbo lye petameko lyomumvo nguka kuUmpumulo. Rev. Abisai Shejavali ngoka ti ilongo muAmerika, otwe mu tegelela pehulilo lyomumvo nguka.

Omukuluntusikola,
Juhani Kaipainen

Omuteologikadhona Adeline Eichas (18) okwa pita oJunior 1971 kevigumbo lyaAanama kuWelwitchia. Okwa kala wo e na ekwatathano niilonga yosikola yo-soondaha mOvenduka, ihe ye mwene oku na ehwamo enene miilonga yewiliko lyaagundjuka. Oye omukadhona gwtango momwamengerki ta ilongo uuteologi. Oye a pala ondjila yoyendji taye ke mu landula mongerki yawo.

OSHOONGALELE SHOIFO SHOUNYUNI

Oshoongalele sha kula shovashangi voifo muEuropa alishe nomahangano aeshe e na sha nokuyandja eenghundana otashi ka kala mOsoomi eti-26-29. 3. 1972 koshi yoshipalanyolo "Ediladilo laSoomi nomalipulo kombinga yokwaamena Europa".

Oshoongalele eshi shinene otashi ningwa paidilo lomumbishofi a kula wongerki onghwaevangeli paLuther mOsoomi, Dr. Matti Simojoki, notashi ka yeululwa komupresidende woshilongo osho, Dr. Urho Kekkonen.



Omupresidende gwongongahangano yaakwaLuther, Dr. Mikko Juva okwa talele po oshilonga shoongerki ookwaLuther muumbugantu waAfrika moka a tsakanene nawilikingerki yoongerki dhaamoka noya kundathana omaudhigu goongerki. Oye Omusoomi.

OMUPRESIDENDE GWAA-KWALUTHER MU S. A.

Omupresidende gwongongahangano yaakwaLuther muuyuni (LWF), Dr. Prof. Mikko Juva gwaSoomi, okwa menekelele konyala oshiwike shimwe mu S. A. pamwe naanambelewa yomongongahangano ndjoka.

Omuwilikihangano Juva okwa endele pamwe nomumbisofi Hanns Lilje, gwaGermani, ngoka a gandja oshipundi shuupresidende kuDr. Juva, Rev. Gudina Tumsa, amushanga gwewilikongundu lyongerki yaMekane Yesus, muEtiopia, Rev. Godofredo Boll gwaBrazilia, oye oshilyo shomokangundu koshikandjo shetumo noshelongelokumwe lyoongerki mongongahangano ndjoka, Dr. Luvern V. Rieke, omulongimpango mosikola yokombanda muWashington noye wo oshilyo shewilikongundu lyongongahangano na Dr. Carl-Johan Hellberg gwaGeneva omuwiliki gwoshikandjo shelongelokumwe lyoongerki muuyuni.

Aawilikingerki mbaka ya palutha ompito yokukala moshigongingerki shoongerki oonkwaevangeli paLuther muSuidwes Afrika shopaukumwe, oya ka tsakanekwa kOrepublika komumbisofi Dr. Leonard Auala, omukuluntutumwa Rev. Mikko Ihamäki nomuwiliki gwoshilonga shomokati kaagundjuka, Rev. Kleopas Dumeni.

Pamwe naawilikingerki yoongerki dha hangana muumbugantu waAfrika ndhoka oonkwaLuther (FELKSA) aanambelewa mbaka yongongahangano oya kundathana uukumwe waakwaLuther wopethimbo ndika shoka tau ti, meni lyongerki nopondje. Oya kundathana onkana tayi li ukriste ndjoka tayi zi mokatongotongo kutya otayi li ongerki shi thike peni. Mekwatathano noshinima shika aanambelewa mbaka oya kundathana wo nomuministeli gwa S. A. omusamane Johannes Vorster. Amushanga gwongongahangano ndjika, Dr. Andre Appel, okwa li wo mosheendo shika.

Melongelokumwe mwa dja

da dja kep. 2

Etokolo la xuuninwa ola fiilwa ongerki ei yoo vene ngaashi tai ke shi konakona mo-shoongalele shayo tete muSeptemba neudo. Kombinga yehangano VELKSWA, omuvelo owa fiwa wa patululwa nEpangelongerki laVELKSWA otali tala nhumbi omweenda te uya mo. Ongerki oyo Delk, oi na oilyo 15,000. Okudja 1866 Ehanganotumo laRyns, ola konga nokupula ekwafo kEhanganotumo laSoomi nhumbi oiwana yaSuidwes tai etelwa evangeli laKristus. Ovatumwa votete ova-Soomi fimbo inava fika kOwambo 1870, o-va kala tete mOtjimbingwe povatumwa O-vandowishi tava pewa eewino doiwana yo-muAfrika.

Eengerki da dalwa momatumo aa, oda twikila elongelokumwe fiyo da fika monghatu yokuhangana, tete mofikola youteku wovafita. Okudja eti-2.3.1972, etokolo ola ningwa eengerki edi di ifanwe, **Ongerki onghwaevangeli paLuther ya hangana muSuidwes**, omo tamu kala paife oilyo i fike lwo-po-330,000.

Oshoongalelengerki eshi osha xulifila eenghundafana dasho koshitaafula shOmwene, ngaashi sha li sha hovelifwa yo nelongelokalunga omo omupresidende woshoongalele sheengerki eenghwaevangeli paLuther mombuwantu waAfrika, FELKSA, Rev. A.W. Halbelgaarn e shi kunda nondjovo yaKalunga meudifo.

Omufitaongalo Halbelgaarn okwa endele pamwe nahamushanga waFelksa, Rev. K.

Schamale nahamushanga woinima yOraata yeengerki muS.A. omushamane J. Rees. Ovakalelipo vongerki yOvandowishi omo yo va li, omufitaongalo Fries nomufitaongalo Kruger ava va eta ekundo lavo. Omakundo makwao okwa dile kOmahanganotumo omu mwa dja eengerki tadi hangana, kongerki yaAnglikani nokongerki yaKatolika muSuidwes. Osho yo komahangano amwe e lili novanhu oomwe noomwe.

Ovanhu ovakwashoongalele ve na ondaka yomatokolo okwa li 40, hano ongerki keshe oya tumine ovanhu 22.

OMOLWETU NANGOYE

Kakwa li ena olupe nenge eopalo. Otwe mu mono ko, ihe kakwa li ena ondjelo twe yi hokwa ando. Okwa li a dhinwa, e ethiwa kaantu, omulumentu gwomahopeko nomuvuntu. Omolwa ngoka ayehe ya siikile oshipala shawo yaa ye mu tale. Omudhinwa twe mu tala a fa oshinima showala.

Ihe okwi itsike uvu wetu, omeehamo getu e ga humbata. Otse notwe mu tala a geelwa, a hepekwa nokwa dhengwa kuKalunga. Okwa tsuwa omolwomayonagulo getu, nokwa nyanyagulilwa oondjo dhetu. Egeelo lye mu ya, opo tu kale tu na ombili notwa aludhwa kiilalo ye. Jes.53:2-5



Woo, omutwe wa tya eehonde, Noipute ve ku twa. Nomutumbo mwii woutondwe, U na omakiya a twa. Woo, omutwe ou wohamba, Ndee owa shundulwa, Wa ulwa oshihamba, Akutu, pandulwa.

Dr. JUVA A DHIMBULULA E-HALO LYELONGELOKUMWE LYOONGERKI

Omupresidende gwongongahangano yaakwa-Luther yomuuyuni okwa dhimbulula mo ehalo ewanawa tali koko mokulongelakumwe.

Omupresidende Juva ngoka e endele pamwe naawilikongerki 6, okwa ti kutya, ope na ngaa omukalo ngoka gwoongerki dhimwe dhAatiligane ihadhi uvithwa kaasita Aaluudhe nomiitayingerki yimwe oongerki dhimwe Aatiligane ihaa yi kUulalelo Uuyapuki pamwe nAaluudhe.

Ihe nando ongaaka elongelokumwe pokati koongerki dhAaluudhe nAatiligane otali ende nokukokithwa ishewe niishewe.

Omuwiliki gwaakwaLuther Juva ota kuminwa unene omagano gewiliko moongerki ndhoka tadhililikwa kAaluudhe yo yene.

Mbaka nonando otaa hupu kuundjambi waafele, otaa longo iilonga ya simana moshilonga shetumo, meputudho lyaasitagangalo nomiilonga yilwe yopasosiale, osho a ti.

"Onakuyiwa yaampaka oyi li miikaha yaAaluudhe, hayAatiligane," osho a hunganeke onakuyiwa yoongerki oonkwaLuther muumbugantu waAfrika.



OMUKANDA WEHEKELEKO KONGERKI YAANGLIKANI

Oshoongalelengerki shoukumwe sheengerki eenghwaevangeli paLuther dovadalelwamo muSuidwes fimbo sha li momutumba washo mOtjimbingwe neudo osha holola olukeno lasho kokutewapo kwovayakulingerki vongerki yaAnglikani nde osha tuma omukanda wehekeleko komubishofi wongerki oyo.

Omubishofi wongerki, Colin O'Brien Winter, oye oo a tewa po moilonga yongerki kepangelo la S.A. pamwe novayakulingerki vatatu. Omukanda owa li po ngaha:

Oshoongalelengerki shotete sheengerki eenghwaevangeli paLuther-muSuidwes, (VELKSWA) eshi sha ongala mOtjimbingwe eti-28.2. fiyo 2.3.1972, osha kundana okutewapo kwoye noluhodi linene, eshi ove omubishofi Colin O'Brien Winter neumbo loye wa lombwelwa u dje po osho yo ovamwameme David de Beer, Stephen Hayes nameme Antoinette Halberstadt.

Oshoongalelengerki oshi uditile nayi oshinima osho she ku ningilwa nosha ningilwa ongerki yoye. Nomukanda ou, ohatu holola ekwatafano noukumwe munene mokweehama pamwe medengo eli.

Omailikaneno etu oo ngaha kutya, Omwene wongerki, a ulikile yo nongerki yoye ondjila mu na okweenda nayo.

Omwene ne mu nangeke noupuna mu kale eendombwedi daye moshilongo shetu nokovanhu aveshe medu eli.

(Ya shainwa komunashipundi.)

KWA KALELELWA KU NA SHA

Nande pa pita konyala efimbo lile eshi Hamushanga Ndjai woiwana ya hangana a dja apa a twale kwinya ehokololo, fiyo onena okwa tya nye, filu.

Hamushanga waV.V.O. okwe ile apa a kundafane novanhu vaSuidwes osho yo nepangelo laS.A. onakwiiwa yedu eli. Mokushuna kwaye okwa ti kutya, osho shi na okuningwa po otashi ufwa kEwilikongudu leameno laV.V.O. olo kwa li le mu tuma. Okwa tengenekwa kutya, eshi hamushanga, Dr. Waldheim a mona nokwa uda apa, ote ke shi eta pouyelele mujuli.

Oye mwene e shi shii nhumbi ta tula kumwe omahokololo aeshe a lombwelwa apa. Epangelo lOwambo ole mu lombwela ehe li dowe moinama yOwambo. Ye omunashipundi shepangelo laKavango ta lombwele natango Dr. Waldheim kutya:

V.V.O. ngenge ota fininike oiwana yaSuidwes i ninge oshilongo shimwe ashike, otashi ka eta omalidipao. Eshi osha endlulwa yo komunashipundi wongudu imwe yopolitika muRehoboth, omushamane Klopfer.

Omufitaongalo waAnglikani, Peter Kalangu-la, okwa lombwela hamushanga meenghunda-fana davo ta ti:

"Odalate oya kandulwa po nombili nopohele opwa tulwa omukalo mupe. Nde oiwana ei inai pya manga nokupewa emanguluko. nOmushamane Johannes Nangutuuala nomulongi John Otto,, eshi va kundafana naye mOshakati, ova ti; Fimbo omadu manene ihaa i mo momatokolo, emanguluko ledu eli otali monika noudjuu. Ashike oiwana ei otai teeleele natango nomukumo koiwana ya hangana okwaamena oukumwe wedu eli.

Omufimanekwa hamushanga ye mwene ota pandula unene kouyelele muhapu e u pewa momakundafano eengudu pomaludi e lili noku lili muSuidwes. Okwa pewa yo omikanda dihapu a ya nado kwinya, omo mwa hokololwa eshi sha halika koiwana yaSuidwes. Dr. Waldeheim okwa ti, olweendo laye ola tunga onhopa ile pokati kaV.V.O. nepangelo laS.A.



S.A. IHA TALE KEHISTOLI LAYE

Ombilive tai shikula apa oya nyolwa komubishofi waAnglikani ou a tewa-moshilongo shaSuidwes omafiku aa kepangelo. Ombilive ei okwe i tuma komisteli ya S.A. nokuNgoloneya wa S.W.A.

"Okuta ovabishofi ovakriste moshilongo moule weedula nhe, inapa yandjwa etomhele lopaveta, otashi ningwa koilongo inini yopakriste oyo i na naanaa emanguluko lokutya sha kepangelo.

Mefimbo lidjuu mehistolli laSuidwes-Afrika, fimbo omesho ounyuni a tongolola oku, vamwe oshinima eshi otava dulu oku shi pangula ongehetekele lokumweneka ongerki iha tye sha moshilongo eshi, omolwovanhu vayo ovo tava tilifwa ile tava indikilwa okuyandja oushima kepangelo olo tali ningile ovanhu eeveta ngaashi sha ningwa mOwambo.

"Ohai dimbulukwa naanaa eshi nda popi fa ovakriste vavali, nohandi ku lombwele nelineekelo ongomubishofi omukriste, owa tokola nge kovanhu ndi va hole naavo nda itavela kutya Kalunga okwe va pele nge oku va yakula.

"Netaatao laRev. S.T.Hayes nomushamane David de Beer, omudiinini wemona moshitukulwa eshi, owa hetekela naanaa okuhanauna po eshikulafano noilonga yongerki yaAnglikani apa.

"Mefimbo la pita po owa li wa popya kutya, kaku na omangwandjulafano pokati kongerki nepangelo moshilongo eshi. Ndele oshilonga eshi osho efikilo lelalakanu olo la kwatela mo eanyo leepaasa dovatumwa 18 ve uye ngeno va longe oshilonga shouhaku nokukwafa ovanhu mOwambo. Owa kelela nge okuyakula eepesenda 90 dovannhu moshilongo eshi.

Ongerki tai popi

"Onde lineekela kutya eshi osho efina leeveta da dja moumbada womalimbililo kombinga yaavo tava pangele apa. Kape na nande sha shi limbilika mwaaishe oyo nda popya ile nda nyola, kuovo ve shii omalinyengo nomadiladilo ovalaule ovo ve li vahapu moshilongo eshi.

"Ongerki oyo i na okuyandja omaliudo ondaka yeehepele novaehamekwa vokomalutu, oye ku kumaida pomafimbo nomafimbo okutala nhumbi onghalafano yomoshilongo eshi ya lyatelwa pedu. Epangelo loye ola anya filufilu onghendabala yetu okufimaneka eenghundafana novawiliki ovalaule. Owa efa nde ino lalakanena okukundafana moyoongalele yoinima ngaashi omatembu ovalumenu ovanailonga mOushimba.

"Ovanhu ovo ohatu va hange peenhele davo tava yehamekwa komalutu, tava tulwa meedolongo inava pwilikinwa, tava hanyenwa nokuyashwa. Eshi ashishe otashi ningwa opo omaliudo Ovawambo a mwenekwe.

Oshihopaenenwa

"Kombinga eembulu oda kala dinini momuvalu mu S.A. Ehistoli otali ti kutya omwa li tamu hepekwa nokukufwa edu eshi oshingoli nokawe ka monika mu S.A. Omwa li naanaa mu udite omu na oufemba nomwa li mwe lilongekidila fiyo efyo, opo mu magulule ovanhu veni moshilongo sheni.

Hamushanga Ndjai waV.V.O. Dr. K. Waldheim pefimbo letalelo po laye mOwambo.

Ovanhu voye va kala mekonjjo lefimbo lile nova fikamena efyo alushe. Ova kala ovanghonolela ve dule ounyuni aushe wefimbo linya, onghewe wa findana noho fimaneke ovo ve ku lwila.

"Opo ndi xulife okutya sha koshinima eshi shoita, ohandi xulifa kutya, omwa li mwe liulika ongovanhu ovo mu li moshilongo sha manguluka, shopademokrati, nomwa tota po elaka leni, eputuko leni nonghedi yeni yokukalamwenyo. Okudja kefimbo linya, owa kandekele neenghono adishe omukalo keshe tau kelele elaka loye neputuko lomikalo doshiwana shoye.

Okudja 1948, owa kala omuwiliki woshilongo eshi nopaife eemwenyo doiwana ihapu i fike peemiliyona 20, (20, 000, 000) otadi pangelwa kwoove. Kwaame oshi yolifa nde oshi etifa yo onghenda, eshi iho tale kehistolli loye mwene oko u lihongele oshilongwa, sho shi ku amene uha ye momapuko oo to a ningi paife eshi to hetekela okumweneka eengudu dovalaule moshilongo shoye nomuSuidwes-Afrika.

"Onghalamwenyo ei i li mOwambo paife otai koko movanhu va hala okumanguluka keeveta doshilongo odo di na olupe lokutwala moupika woo vene nde tadi va imbi kemanguluko lokupashiyona medalwadu lavo. Eeveta edi owe di yandja kovanhu inave di hala, nande ovo vahapu moshilongo eshi.

"Ou na oku shi shiiva kutya, oshili itai ka mwena. Omualu muhapu wovalaule moshilongo eshi otava keme efiku keshe konghedi yokatongotongo. Ova anya filufilu omadiladilo omaduumbo. Ova hala okukala nokutekulwa ngaashi ovanhu va manguluka nongaashi oshibofa shokondalaka she shi ulika nawa, ovalaule ovo itava ka kala koshi yeeveta doye odo tadi va fininike paife.

"Ovawilikerki muSuidwes-Afrika ove shi shii kutya, moshibofa shodalate kamu na nande omhepo youkomunisi, ndelene osho efininiko lomeni lovanhu va hala emanguluko nokwekelashi omutengi wovahepeki, tava ingida komafina eeveta demanguluko ngaashi a holokele mombilive yomoipafi ei ya nyolelwe kongerki ya ELK noya Elok noya tuminwa oministeli ya S.A.

"Twikila ngaa nokutaataa ovo tava popi ponhele yovanhu ava tava hepa. Tula mee dolongo ovawiliki ovalaule ovo tava kongo onghalafano iwa noyombili, ndelenee ito ka mweneka nande ondaka yokuhokolola oshili moshilongo eshi. Hauxuuninwa oto ka fininikwa ove mwene u kale omulongekidi womalunduluko oo hatu a indile apa paife

"Enyamukulo komaudjuu oshilongo shetu otali di ashike meenghundafana ngaashi ovawiliki ovalaule kwa li tave shi kongo. Okuxulifa po eshikulafano lomatongolo omaludi, oshinima tashi ka hangika efiku limwe. Ouyuki tau fimaneke omwenyo moipafi yaKalunga, oshinima tashi ka yandjwa efiku limwe koshilongo eshi.

"Ame neumbo lange eshi twa fininikwa tu dje mo moshilongo eshi, otwa hala mu kale mu shi shii kutya, fye otwa hala okutwikila noilonga nomeilikano omolwombili, ouwa nomolwemanguluko laSuidwes-Afrika.

"Ovalineekelwa muKristus,
"Colin O' Brein Winter.
"Omubishofi waDamaraland

TATEKULU SHILUMBU MONGANDJERA

1

Shilumbu shaNakashona, ngu e na omwenyo gumwegumwe, ina kuutumba mOshukwa, nando egumbo omo e li tula.

E na ompunda yi na omambo, hazala ye mu tapakana. Mek' olwoondje lwokwiitsila ko. Ngu to mu landula, katuka.

2

Nge u ukilile Epumbu, Aashilulu taye mu kundu. M Omukondo ita lala mo, m Omunyele ita tokelwa mo. Maandja Andjela yaShaanika, omo ha zalekw' oongaku. K Etilyasa ku na omuntu, k Onandjo nok Otamanzi

3

Nando a yuulukwe kegumbo, ita thigi po Aakwandongo mombala putate Kakwa. "Ileni kowandaha." Sho te ya pegumbo nena, ngula oku li k Omuthitu, kaandja Amalwa gUgulu "Aantu ne, itedhululeni"

4

Aapato naa tseyithilwe, lombweleni nAaluteyi, "Omusamane Shilumbu te ya." Ne ya adhe ya gongala. Shilumbu shaNakashona, ngwiya omusamane komutse, tate omumati komagulu, moondjenda ongombasikela.

5

Aambogodhiya opo mu li? Dhiginine-ni Kalunga. N Aauthima wAmeya hwi, holokeni kOpyamukuyu. Otandi yi kEendombe, ndi popithe Aanakake, puSem yaMaharero: "Aamwameme, ethen'otombo."

6

Aakwalumbe nAalwaandjana, Aashimanya nAambwata, Tu yeni komukwa gwaAmupanda, oko ku na omauvitho. Aanandjila kaleni po, otandi yi kUutsathima, kuKatoongo Lumpelengwa, nOnambandje yomilunga

kuElli Kashele

Omusamane Shilumbu, oye omuyevangeliste Lasarus, Shilumbu, ependa lyeuvitho lyevangeli m Ongandjera ethimbo ele. Okwa vangeli-tha Aakwankala komikunda dhUutsathima manga oshilonga shetumo inashi tamekwa ko. Ogwoomvula ngika 60, he ende noha uvitha sigo onena.

A HULITHA OONDJENDA DHE

Omukulupe Hilde Antsino megon-galo lyaElim, okwa mana oondjenda dhe eti-9.1.1972. Okwa si e na omimvo 99 omukristelela. Okwa thiga po oyana ye naatekulu oye-ndji.

NIGERIA TASHI TUNGULULWA

Oshilonga oshinene muAfrika, sha simana muuyamba nomowindji waantu, oshi li po tashi tungululwa natango konima yembonyauko lyomahala ogendji, ngoka ga yonaguilwe po kiita yomoshilongo konyala qule woomvula ndatu.

Ongomunashipundi gwewilikongundu lyo-shipangelo shetumo lyaAnglikani mOnitsha, Sir Louis Mbanefo, okwa kwatele komeho moshilonga shedhikululo lyo-shipangelo shoka sha adhika sha hanagulwa po thiluthilu.

Omusamane Mbanefo, oye omupanguli mompangu mohofa yopombanda muNigeria. Oshipotha sha S.A. sho sha falelwe kuEtjopia naLiberia kompangu yuuyuni kuDen Haag 1966 omolwaSuidwes, hahende Mbanefo oko a adhikile omupanguli e liie po oshilonga shawo okutameka 1963. She mu kutha ko uupyakadhi welelo lyoshilongo she ndyoka lyi ikuthilwa kaakwiita moshilongo patiyali nokuli 1966.

Aakriste oyendji ote ya tsu omukumo okulonga iilonga yeopaleko lyoshilongo, osho wo omahangano ngashi Ehangano lyaakiir:tu

aagundjuka aakriste naalongwa moosilako dhokombanda.

"Onde shi nongele kutya shimpa tuu aakriste taa kala meitaalo lyashili, notaa longo ngashi aakriste, nena otatu longo oshindji momalalakano getu," osho hahende Mbanefo a ti ngoka e na eitaalo ndyoka kutya uupyakadhi umwe wa vala iita moshilongo, omolwaakriste mboka kaaye na eitaalo lya kola mevangeli.

Nonando oku na oshilonga she mombelewa ye, ota ningi iigongi oyindji okupukulula aantu, ota talele po omahala gi ili nogi ili pamwe naawilikingerki moshilongo she.

MuUmwahia, ondolopa ndjoka ya li etindi lyoonkondo dhaBiafra, okwa tungitha mo oshipangelo oshitiyali meopalekululo. MuOndo okwa tungululitha mo ongerki. Oye wo oshilyo shomokangundu ketungululo lyoshilongo kuuzilo wopokati koshilongo shoka, hoka ki ipyakidhila netaneko lyiikulya moshilongo, nekandekelo lyomikithi dha zi miita.

Hahende Mbanefo oye wo omupresidende gwewilikongundu lyoongerki moshilongo nota longo oshindji shopangerki.



Aanasikola mbaka oye li mosikola yuuteologi noyi igandja nehalo lyawo yene kiilonga yeopalekululo lyo-shipangelo. Tala nkene taa tete iihwa nomakatana.

OSHIGONGI SHAAWILIKI YAAGUNDJUKA

Omugongelinkundana gwetu kOshiwakopo okwe tu tseyithile kutya, oshigongi shaawiliki yaagundjuka momagongalo osha dhiladhilwa shi ka ningwe eti-11-13 Mai 1972 mOgab, popepi naTsumeb.

Oshigongi otashi tegelele aawiliki yaagundjuka momagongalo agehe goongerki oonkwaLuther muSuidwes alihe. likundathanwa iinene yawo otayi ka kala ando

a) omaudhigu gomoondjokana, b) ewiliko momagongalo, c) omaudhano miigongi yaagundjuka d) osho wo ootundimbimbeli. lingongi yoludhi nduka oya ningwa nale nokuli mOtjiwarongo, mOkahandja nomOshiwakopo. Elaka lya hogololwa li longithwe miigongi mbyoka Oshimbulu shoka tashi uvitha ko oyendji yomomaludhi gi ili nogi ili gAasuidwes.

Aakwashigongi mboka ya hala ko, oyo taa futu ondjila yawo yene niikulya yoshigongi mbyoka tayi pula R 1.50 pethimbo lyoshigongi

OMUKWETU

Oshifo shOngerki onkwaevangeli paLuther yomOwambokavango
Die Nuusblad van die Evangeliese Lutherse Owambokavangokerk
Ohashi nyanyangidhwa mOniipa,
Omukuluntu gwoshifo/Hoofredakteur omubisofi Dr. Leonard Auala,
Amushanga/redakteur Rev. Sebulon Ekandjo
Ondando yoshifo komumvo muSuidwes-Afrika R1.00, kombanda yomafuta R2.00
Ondando nomambesitelo naga tumwe kOmukwetu, Oniipa, P/B 2015, Ondangwa, S.W.A.

Omatseyitho gomuntu mwene pashinyolwa shuule
woondeimi 1 otashi futwa R1.00
oondeimi 2 otadhi futwa R1.90
oondeimi 3 otadhi futwa R2.70
oondeimi 4 otadhi futwa R3.40
oondeimi 5 otadhi futwa R5.00
Oto vulu okutuma wo efano lyaashono wa hala shi tseyithwe

Owambokawango Church Press
P/B 2018 Ondangwa, S. W.A.